

卷四

書名 太平經國之書十一卷首一卷 嘉靖二十七年仁和芮氏刊本
 撰者 宋 鄭伯謙 撰，明 陳曉 校
 卷 卷四
 內容分類 經-禮-周禮-宋
 索書號 大木-經部-禮類-12
 編號 A192000

彩色首頁1

東洋文化研究所漢籍目錄 編號: A192000

東洋文化研究所漢籍目錄所藏漢籍善本文影像資料庫 索書號: 大木-經部-禮類-12

漢籍善本文影像資料庫文本太平經國之書十一卷首一卷 嘉靖二十七年仁和芮氏刊本

版權所有: 東京大學 東洋文化研究所

使用上的注意事項

太平經國之書卷之一

教化論六典以為民極

永嘉鄭伯謙著後學陳曉校正



或謂周公之序六典也辨方正位體國經野設官分職之
 下每終之以為民極此特建國之始耳未見其有與于民
 也豈可以遽取極于此哉曰先王之教天下未始有精粗
 本也司徒一官名曰教典自今職職而攷之六十
 官大抵皆分畫鄉遂整理田疇征歛財賦職掌山澤
 井門閔之事師田行役祭祀喪紀冠昏鄉射之法
 而巳如鄉大夫州長族黨之職則不過屬民讀邦法師

太平經國之書卷之三

太平經國之書卷之四

永嘉鄭伯謙著後學陳曉校正

保治論九兩繫邦國得民

或問九兩之中曰牧者君也曰長曰主曰吏者官也彼其分君之職居民之上凡可以助君而得民者固其分也有如師儒之間宗族朋友之際山林藪澤之豪豈嘗有位于朝有祿于國者耶而均之曰得民與牧長主吏並立而相參何也曰此先王防患之深意也夫千里王畿之外公侯而下伯子男而上其君皆牧伯也千里王畿之內近而鄉遂遠而都鄙其官皆長吏也三等承地之間卿之有邦縣

公之有邦都其人皆主也牧伯皆有分地則其地大有以
服民公鄉各有采地則其利入有以得民長與吏雖有祿
而無地然既食其祿則民亦有以尊其貴既專其政則民
亦有以悅其治蚩蚩之民其聚必以類其分必以群爲之
兩則渙散四出而其勢不可合矣是以牧長主吏先王各
使之繫其民而聽其兩不可縱也不聽其兩則其勢將至
於渙散聽其兩而從其得民他日有懷詐怵邪之諸侯傾
側擾攘之士出於其間則逆節之萌禍心之包藏其將何
以制之先王於是有所師儒朋友宗族豪富之兩以參互于
其間是九者相與爲兩而後邦國之民有所耦合有所

耦合而後有相訓相保相及相共相利相安之道昔者孔
子孟子以布衣匹夫而衣冠禮樂足以師表一世其門人弟
子不遠數千里而從之雖飢寒流落擯于死而不去此師
以道得民也庾桑子居于畏壘而畏壘之人相與尸而祝
之社而稷之陽城居于晉之鄙人薰其德而善良者幾千
人此儒以道得民也商之七族宋戴武莊之族齊諸田楚
懷屈率以強宗大族更相維持係屬人心若漢郭解之遊
俠輕財重義出萬死一生以救人之急而任之事則民心爭
慕而惟恐或後蜀卓氏孔氏程鄭刁間之徒占山林數澤
之利殖貨累鉅萬而富比封君隱民皆取食焉此三者以

族以任以富而得民也九者各有以得民之心各有以聯
民之族類相悅而相附相制而相維持故彼動而此禁一
萌則一攬先王經理邦國之大意隱然可見於此後世王
制不明是九者雖未嘗不兼有而為治者不知也徒為之
牧長為之主吏而所謂師儒朋友富家大族未嘗過而問
焉是以越雪蜀日吠噬狂走上之人不以為意而師之得
民者廢溺冠騎項之餘俳優侏儒爭以儒為戲而儒之得
民者廢禁游俠破黨伍而朋友之得民者廢誅鋤強宗遷
徙大族嫉惡州縣之富室而宗族豪右之得民者又廢五
者盡廢而牧長主吏雖存又皆割人以自奉役人以自安
耳州縣之守令大抵以辦財賦為職而得民之道百郡千
邑無復一人經意矣秦漢以來牧長主吏之間如有番令
吳芮南海尉佗才得江湖嶺海之人心遂起而王其地魏
其武安以招致賓客之勢而傾動天下吳王濞擅山海之
利賦不及民拊循招納而山東七國之變相挺矣士不攷
論後世之變而能見太宰九兩繫民之說則孰知先王防
患之意深

考課論三官申明考察

太宰正月之吉始和布治于邦國都鄙乃縣治象之
法于象魏使萬民觀治象挾日而斂之司徒司馬司

空皆然乃施典于邦國而建其牧立其監設其參傳
其五陳其殷置其輔乃施則于都鄙而建其長立其
兩設其伍陳其殷置其輔乃施法于官府而建其正
立其貳設其攷陳其殷置其輔九治以典待邦國之
治以則待都鄙之治以灋待官府之治以官成待萬
民之治以禮待賓客之治歲終則令百官府各正其
治受其會聽其致事而詔王庭置三歲則大計群吏
之治而誅賞之小宰月終則以官府之叙受群吏之
要贊冢宰受歲會歲終則令群吏致事正歲帥治
官之屬而觀治象之法狗以木鐸曰不用法者國有

常刑乃退以官刑憲禁于王宮令于百官府曰各脩
乃職攷乃法待乃事以聽王命其有不共則國有大
刑宰夫歲終則令群吏正歲會月終則令正月要旬
終則令正日成而以攷其治治不以時舉者以告而
誅之正歲則以灋警戒群吏令脩官中之職事書其
能者與其良者而以告于上

或問太宰之職自六典佐王而下九兩繫民而上凡此十
者經國之大綱為治之條目既兼舉而並行之矣今正月
之吉乃始和而布之正歲之月乃始垂而觀之邦國都鄙
官府之中乃始施其治牧監正貳之屬乃始建其人何也

曰此所以申明吾之法也歲終三歲將有以攷課其人正月正歲不得不有以申明其法蓋慢令而致期不戒而視成先王猶不敢以施諸民而况於其官吏乎未嘗懲戒之而遽廢置誅賞之平時既無以起其怠而策其進一旦亦無以示其信而愜其心先王不爲是也舜相堯二十有八載矣而正月元日四岳四門之詢闢四目四聰之明達十二牧之咨二十二人之戒猶諄諄然命之者是固將以爲考績之地也夫是以前黜陟而去四凶天下至於咸服後黜陟而分三苗庶績至于_或三代以來世守此道每歲孟春適人以木鐸徇于路官師相規工執藝事以諫其或

不共邦有常刑在夏爲適人在周則爲小宰木鐸未徇則常刑終未施也廢時亂日之人承命徂祀之舉至此何所逃其罪耶成湯制官刑以儆有位廣五子之訓以爲三風十愆之戒使瞽矇之士具其訓而颺之異時記禮之書考論夏商之制則其本末猶有可言者孟冬之月命太史是察阿黨無有掩蔽命司徒徇行積聚無有不飲命工師效功功有不當必行其罪命水虞漁師收水泉池澤之賦其有敢侵刻行罪無赦此所以考課之也季冬之月則曰天子與公卿大夫共飾國典論時令以待來歲之宜孟春之月則曰乃命太史守典奉法司六日月星辰之行宿離不

貸毋失紀以初爲常此所以申明之也由是夏之夏商以
來所以考課其人則在于孟冬所以申明其法而重爲他
日考課之地者則以季冬以孟春是唐虞平在朔易之意
而周人之所以依倣而行之者也蓋周人考課之法尤嚴
於唐虞三代之舊考之周禮有所謂逆其治者執吾之法
而逆倣戒之於其先也小宰司會司書文史職歲職內卿
師大史內史是也有所謂待其治者既倣戒之則待其成而
考驗於其後也太宰以典待邦國之治以則待都鄙之治
以法待官府之治以官成待萬民之治以禮待賓客之治
如宮正醫師司會大司徒小司徒鄉大夫遂大夫族師黨

正鄙師內史司寇士師之屬則皆所以考其事如宮正膳
夫酒正大府職內司會司書內宰典果泉府橐人金人之
屬則皆所以考其財如太宰小宰宰夫則兼統而並考
之故日之有成日考之也宰夫受之月之有要月考之也
宰夫令之而小宰受之歲之有會歲考之也小宰贊之而
太宰受之三歲之有計三歲考之也三宰贊之而王親受
之曰計曰會曰要曰成散見于三百六十官之中自宰夫
而下酒正則日入其成月入其要司會以參互攷日成
以月要攷月成以歲會攷歲成司書則入要二司徒則
正要會鄉師則受役要與夫司馬士師亦皆受而正之

蓋有官則必有事有事則必有考人與官不相違功與法不相悖則置之賞之其官則然其人則不然其法則然其功則不然則廢之誅之太宰既已三歲討吏而誅賞司士亦三歲稽士而進退非一切委之以法而聽其人之自縱也以王制參觀之司會管成三官則從司會冢宰替天子受管三卿則以百官之成管于天子按王制曰天子齋戒受諫司會以歲之成管于天子冢宰齋戒受質大樂正大司寇市三官以其成從質于天子大司徒大司馬大司空齋戒受質百官各以其成質于三官大司徒大司馬大司空以百官之成管于天子百官齋戒而受質焉六卿皆與

若績而冢宰獨操其柄然王制特舉其畧而周官則備見其詳條目為甚悉其八柄之所施凜凜乎其嚴也周人考課之嚴如此豈遽行其法而逆責其效也哉其本末源流固自有次第非汲汲焉於朝夕之頃者蓋曰成曰要雖不廢于日月而會計之大則必遲遲于一歲三歲之終申明儆戒之嚴必勤勤于正月正歲之始蓋自六典八法八則其正在太宰太史司書其貳在小宰司會九貢九賦九式其正在太宰司會其貳在小宰太府賜予則掌于宗伯脩法則掌于筐人司寇執典法以斷匡人達法則以觀其慝太宰張其紀綱于上而六卿群吏相與理其條目于下法

之所在固已彰彰於人之耳目不可違也先王於此必謂夫人之情常以久而懈怠法之意常以久而玩弛是以每歲輒申明之在太宰則正月始和挾日而後斂在小宰則正歲率治官之屬觀治象之法而懼之以大刑在宰夫則正歲以灋警戒群吏令脩宮中之職事而勸之以良能以至大司徒正歲帥屬觀教而卿大夫州長皆正亦攷而讀焉大司寇正歲帥屬觀刑而士師亦憲而禁令焉凡昔者經國之大綱爲治之條目燁燁然常有日新之意奉行之吏聯事合治之人欣欣然常有日新之功由太宰終篇觀之乃施典則於邦國都鄙是所立之法常若始立而施之

也建其牧而立其監建其長而責貳是所用之人常若始建而立之也法若始立之法人若始用之人戒飭勉勵之餘有奮發而無懈怠有勅正而無玩弛能否畢見賢不肖無所隱至是而考績之法始可以行小而予奪大而生殺始可以各當其情也故太宰于正月正歲之既後斷斷然行其誅賞於歲終而小宰宰夫於歲終已誅賞之餘又昭昭然揚其禁令儆戒於歲始始終之相因勸戒之相仍王朝之上所以無人之不善其職歟且不獨待其人爲然也制而用之謂之灋推而行之存乎人不能皆善既以因法而廢置法不能無弊則亦爲之隨時而損益者也可不之相濟猶五味之相和於是時也先王猶恐法令

出入之際有以覲人聽而未孚乎人之心於是正月和而先布之於正歲終而申飭之况乎考課之灋將以明人之功而正人之罪豈得不遲之於一歲三歲之終乎督之迫者課反易攷而待之寬者責每難耐也雖然夫子嘗曰苟有用我者暮月而已可也三年有成又曰如有王者必世而後仁是綱紀可以定于期月之頃而治功可以成于三年之後考績之法固可以行于此時也若夫舉世人心皆安行乎大道之中而無所事乎上之誅賞是非必世焉不可也此又周禮言外之意成王周公之所自知也學者當因吾夫子之言而求之 周禮

太平經國之書卷之四終

太平經國之書卷之五

永嘉鄭伯謙著後學陳曉校正

賓祭論六官祭禮賓客

太宰祀五帝則掌百官之誓戒與其具脩前期十日帥執事而卜日遂戒及執事眡滌濯及納烹贊牲事及祀之日贊王幣爵之事祀太神示亦如之享先王亦如之贊王几王爵大朝覲會同贊王幣王獻王几王爵作太事則戒于百官贊王命王眡治朝則贊聽治眡四方之聽朝亦如之凡邦之小治則冢宰聽之待四方之賓客之小治小宰以灋掌祭祀朝覲會